

STATUT

SHOQËRI ME PËRGJEGJËSI TË KUFIZUAR

"NEW DRIVER" SH.P.K

KREU 1

DISPOZITAT E PËRGJITHSHME

Neni 1

Forma ligjore dhe emri i shoqërisë

Shoqëria me përgjegjësi të kufizuar Sh.p.k. "NEW DRIVER" është krijuar sot me 22.02.2021 sipas Statutit të përpiluar dhe nënshkruar nga ortaku :

Znj.Gjylzare PANA , e bija e Islamit dhe Razijes , l datëlindjes **01.05.1995** shtetase shqiptare , lindur në **DOHOSHISHT** dhe banues në **TIRANË** , madhore me zotësi të plotë juridike për të vepruar, me **ID J55501007I**.

Në cilësinë e "Ortakut themelues të shoqërisë " **NEW DRIVER** " Shpk, me vullnet të lirë , të plotë e të sigurtë, dhe iniciativën e lirë private, mbështetur në Kushtetutën e Republikës së Shqipërisë dhe Kodin Civil në fuqi, në ligjin 9901 datë 14.04.2008, "Për tregtarët dhe shoqëritë tregtare", ligjin rr . 9723 , datë 03.05.2007 "Për Qendrën Kombëtare të Bisnesit " , në atë Doganor, Fiskal e Tatimor, themelojmë shoqërinë me përgjegjësi të kufizuar me emërtimin "**NEW DRIVER**" Shpk. (më poshtë e quajtur "Shoqëria")

KREU I

Neni I

Krijimi

Shoqëria "**NEW DRIVER**"sh.p.k., është person juridik i të drejtës shqiptare, Shoqëri me përgjegjësi të kufizuar (më poshtë e quajtur "Shoqëria").

Neni 2

Personaliteti juridik

Shoqëria fiton personalitetin juridik me regjistrimin në QKR. Kontributi i ortakëve përbën kapitalin e regjistruar të shoqërisë. Ortakët gëzojnë secili kuotën e vet në shoqëri, në përpjesëtim me kontributin që ka dhënë në kapital.

Neni 3

Selia

4.1 Selia e Shoqërisë "NEW DRIVER" sh.p.k. do të jetë në Peshkopi, që ndodhet në lagjen "Aksioni" kati 1 rregjistruar me numër 14/103 zona kadastrale nr.2932.

Shoqëria mund të ndryshojë selinë e saj, të hapë zyra përfaqësie, degë, të krijojë filiale, si brenda ashtu edhe jashtë Republikës së Shqipërisë, vetëm me vendim të Asamblesë së Përgjithshme.

Neni 4

Objekti i aktivitetit të shoqërisë "NEW DRIVER" sh.p.k. do të jetë:

-Përgatitja e kursantëve me qëllim pajisjen me kartonin (licencen)për lejedrejtimit të automjetit.

Neni 5

Kohëzqatja

Shoqëria do të zhvillojë aktivitetin e saj për një periudhe kohore të papërcaktuar

KREU II

KAPITALI

Neni 6

Kapitali themeltar

1.Kapitali themeltar i shoqërisë është 100.000 lekë, me vlerë nominale 100.000 lekë.

2. Kuotat e kapitalit themeltar zotërohen 100% të kapitalit me 1 (nje) kuote nga ortaku **Gjylzare PANA** me 1 kuotë me 100 % : (100. 000lekë)

Pjesët e kapitalit themeltar nuk mund të përfaqësohen nga letra me vlerë të tregtueshme.

Kontributi i ortakut mund të jetë në para ose në natyre (pasuri të luajtshme/të paluajtshme apo të drejta)

Ortaku përgjigjet për humbjet e shoqërisë përkundrejt të tretëve deri në vlerën e kontributit të tij në kapitalin themeltar të shoqërisë.

Neni 7

Zmadhimi dhe zvoglimi i kapitalit

Kapitali i shoqërisë mund të zmadhohet me vendim të Asamblesë së Përgjithshme duke kontribuar në para ose me anë të kontributeve në natyrë, dhe në shërbime si dhe nga fitimet e shoqërisë .

Zvogëlimi i kapitalit themeltar në një vlerë më të vogël se ajo e përcaktuar në **nenin 6** të këtij statuti, e bën të detyrueshme marrjen e një vendimi prej shoqërisë për zmadhimin e kapitalit themeltar të paktën deri në vlerën minimale. Në rast moszbatimi të kërkesave të këtij paragrafi, cdo person i interesuar mund të kërkojë në rrugë gjyqësore prishjen e shoqërisë. Kjo prishje nuk

mund të shpallet, në qoftë se rregullimi është bërë në ditën kur gjykata mbledhet për të marrë vendim.

Neni 8

Transferimi i kapitalit Kuotat e kapitalit të një shoqërie me përgjegjesi të kufizuar e të drejtat që rrjedhin prej tyre mund të fitohen apo kalohen nëpërmjet:

a) kontributit në kapitalin e shoqërisë;

b) shitblerjes;

c) trashëgimisë;

g) dhurimit;

d) cdo mënyre tjetër të parashikuar me ligj. Në rastin e kalimit të kuotave me kontratë, kontrata duhet të bëhet me shkrim. Personi që kalon kuotën dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga casti i kalimit të kuotave, deri në castin e regjistrimit të kalimit të saj në Qendrën Kombëtare të Regjistrimit, sipas nenit 43 të ligjit nr. 9723, date 3.5.2007 "Për Qendrën Kombëtare të Regjistrimit". Regjistrimi i kalimit të kuotave ka efekt deklarativ. Pjesët e kapitalit themeltar janë lirisht të transferueshme me rrugë trashëgimie.

KREU III

ORGANET VENDIMARRËSE DHE DREJTUESE

Neni 9

Organi Vendimmarrës

Asambleja e Përgjithshme është organi i vetëm vendimmarrës i shoqërisë që miraton cdo ndryshim të statutit sipas modaliteteve të përcaktuara në ligj. Cdo ndryshim statuti duhet të depozitohet pranë QKR për të pasqyruar ndryshimet në skedën e shoqërisë. Asambleja e Përgjithshme, vendos për çështjet si :

a) përcaktimi i politikave tregtare të shoqërisë;

b) emërimin dhe shkarkimin e administratorëve;

c) emërimin e shkarkimin i likuiduesve dhe të ekspertëve kontabël të regjistruar;

g) përcaktimin e shpërblimeve

d) mbikqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;

e) përfaqësimin e shoqërisë në gjykatë dhe në procedimet e tjera ndaj administratorëve;

f) miratimin e rregullave procedurale të mbledhjeve të asamblesë; Të gjitha vendimet e marra nga asambleja e përgjithshme regjistrohen në një regjistër të vendimeve, të dhënat e të cilit nuk mund të ndryshohen ose të fshihen.

Duhet regjistruar në vecanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
 - b) shpërndarjen e fitimeve vjetore dhe mbulimin e humbjeve;
 - c) investime;
 - g) vendimet për riorganizimin dhe prishjen e shoqërisë.
- d) thirrjen e mbledhjes së Asamblesë së Përgjithshme. Vendimet e paregjistruara në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përvec rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

Neni 10

Administrimi

Administrator i shoqërisë është **Znj/Xhuljana Torba**, me ID J76204006K, emëruar në këtë detyrë për një afat 2 Vjecar(22.02.2021 deri me dt 22.02.2023) me të drejte ripërteritje. Administratori emërohet dhe shkarkohet me vendim të Asamblesë së Përgjithshme.

Neni 11

Kompetencat

Administratori ka të drejtë e detyrohet të :

- a) kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojë shoqërinë tregtare;
- c) kujdeset për mbajtjen e saktë e të rregullt të dokumenteve dhe të librave kontabël të shoqërisë;
- g) përgatit dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe së bashku me propozimet për shpërndarjen e hetimeve, i paraqesin këto dokumente përpara asamblesë së përgjithshme për miratim;
- d) krijojë një sistem paralajmërimi në kohën e duhur për rrethanat, që kërcenojnë mbarevajtjen e veprimtarisë dhe ekzistencën e shoqërisë;
- dh) kryejë regjistrimet dhe dërgoj të dhënat e detyrueshme të shoqërisë, sic parashikohet në ligjin për Qendren Kombëtare të Regjistrimit;
- e) raportojë përpara asamblese së përgjithshme në lidhje me zbatimin e politikave tregtare dhe me realizimin e veprimeve të posacme me rëndësi të vecante per veprimtarine e shoqërisë tregtare;

Administratori është i detyruar të therrasë mbledhjen e asamblese së përgjithshme edhe në rastet kur : sipas bilancit vjetor apo raporteve të ndermjetme financiare, rezulton ose ekziston rreziku qe aktivet e shoqerise nuk i mbulojne detyrimet e kerkueshme brenda 3 muajve në vazhdim dhe kur

shoqëria, brenda 2 viteve të para pas regjistrimit të saj, propozon të bleje nga një ortak pasuri, që kanë vlerë më të lartë se 5% të asetëve të shoqërisë, që rezulton në pasqyrat e fundit financiare të certifikuara, Administratori ka të drejtë të kryejë të gjitha veprimet e administrimit të zakonshëm e të jashtëzakonshëm. Administratori përfaqëson Shoqërinë përpara të gjitha personave fizike e juridike, publike dhe/ose private vendas apo të huaja, autoriteteve shtetërore Shqiptare apo të huaja, përfshi këtu autoritetet gjyqësore të gjitha shkalleve. Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat me përjashtim të kompetencave që ligji ia jep shprehimisht ortakeve të shoqërisë. Administratori angazhon shoqërinë në marrëdhëniet me të tretët nëpërmjet akteve që janë në përputhje me objektin e saj. Shoqëria nuk merr persiper pasojat ndaj të tremeve kur ajo provon se të tretët e dinin që akti i administratorit e kalonte objektin e shoqërisë ose kur të tretët nuk mund ta injoronin këto akt në rrethanat e dhena, duke patur parasysh faktin se vetëm shpallja e statutit nuk është provë e mjaftueshme.

Neni 12

Përgjegjësitë

Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë. Pasojat e marreveshjeve të pamiratuara nga Asambleja e Përgjithshme që i sjellin dëm shoqërisë, i ngarkohen administratorit dhe ortakut që ka bërë marreveshjen, për të perballuar në mënyrë individuale ose solidarisht sipas rastit pasojat përkatëse. Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Për Tregtarët dhe Shoqëritë Tregtare", administratori detyrohet:

- a) të kryejë detyrat e tij të percaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të vecante ndikimit të veprimtarisë së shoqërisë në mjedis;
- b) të ushtrojë kompetencat që i njihen në ligj dhe në statut vetëm për arritjen e qëllimeve të percaktuara në këto dispozita
- c) të vleresojë me përgjegjësi ceshtjet, për të cilat merret vendim;
- g) të parandalojë dhe mënjanë rastet e konfliktit, prezent apo të mundshëm, të interesave personale me ata të shoqërisë ;
- d) të ushtrojë detyrat e tij me profesionalizmin dhe kujdesin e nevojshëm.

Administratori, gjatë kryerjes së detyrave të tij, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim. Nëse administratori vepron në kundërshtim me detyrat dhe shkel standardet profesionale, sipas pikave 1 e 2 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë

solidare. Në menyrë të vecante, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit,, Per Tregtaret dhe Shoqëritë Tregtare , kryen veprimet e mëposhtme:

- a) u kthen ortakëve kontributet;
- b) u paguan ortakëve interesa apo dividende;
- c) u shperndan aktivet shoqërisë;
- g) lejon që shoqëria të vazhdojë veprimtarinë tregtare, kur, në baze të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
- d) jep kredi.

Neni 13

Viti Financiar

Viti financiar i Shoqërisë fillon me 1 Janar dhe përfundon me 31 Dhjetor. Me përjashtim të vitit të parë financiar që fillon nga data e regjistrimit të shoqërisë në Qendren Kombëtare të Regjistrimit dhe mbyllet me 31 Dhjetor.

Neni 14

Bilanci i shoqërisë dhe dividendët

Brenda 6 muajsh nga mbyllja e vitit financiar, Mbledhja e Asamblese së Përgjithsme, miraton bilancin e paraqitur nga Administratori. Mbledhja e Ortakëve të shoqërisë vendos rreth shpërndarjes së dividendit, pasi të jenë zbritur humbjet e vitit të mëparshëm financiar, siq edhe parashikohet nga ligji.

Neni 15

Ekspertet

Eksperti ka për detyrë që të kontrollojë të gjithë dokumentacionin kontabel të veprimtarisë ekonomiko-tregtare të shoqërisë, atë gjithëvjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë të ngarkuar nga ana e asamblese së përgjithshme. Në përfundim të kontrollit eksperti kontabel i autorizuar për gatit raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorëzojë në kohë asamblese së përgjithshme për t'i shqyrtuar e miratuar mbi bazën e të drejtës vendimore që ka.

Neni 16

Të ardhurat neto që mbeten pas vegimit të fondeve ligjore të mesipërme dhe të atyre për shlyerjen e cdo detyrimi fiskal apo likuidimin e pagesave ndaj të tretëve, i mbeten dhe i kalojnë në pronësi, Asamblese së shoqërisë. Të cilat mund të kalojnë dhe për zmadhimin e kapitalit.

Neni 17

Shpërndarja ose prishja e shoqërise mund të bëhet në cdo kohe :

a) kur mbaron kohe zgjatja e parashikuar në themelimin e saj;

b) me vendim të ortakut të vetem;

c) me hapjen e procedurave të falimentimit;

g) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, dt/3.5.2007 "Për Qendren Kombëtare të Regjistrimit";

d) me vendim të gjykatës; Në këtë rast Asambleja e Përgjithshme merr vendim me shkrim në të cilin parashikon menyrën e likuidimit të shoqërisë, duke caktuar 1 apo disa likuidatore dhe shënuar në cdo dokument të nxjerrë prej tij emrin e likuidatorit dhe emërtesën shtesë " Shoqëri në likuidim e sipër ". Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi. Likuidimi kryhet nga likuiduesit e emëruar nga Asambleja e Përgjithshme. Nëse Asambleja e Përgjithshme nuk merr një vendim për emerimin e likuiduesve, brenda 30 ditëve pas prishjes, cdo person i interesuar mund t'i drejtohet gjykatës, për të caktuar një likuidues.

Neni 18

Likuiduesi merr përsipër të drejtat dhe detyrimet e administratorëve nga data e emerimit të tij. Nëse shoqëria emërton më shumë se një likuidues, përveçse kur akti i emerimit parashikon se ata veprojnë vecmas njëri-tjetrit, likuiduesit ushtrojnë bashkërisht të drejtat e detyrimet sipas këtij ligji. Likuiduesit mund të autorizojnë njërin prej tyre të kryejë veprime të një kategorie të posaçme. Kufizimet e tagrave të likuiduesve u kundrejtohen të trefteve, në përputhje me përcaktimet e ligjit. Likuiduesi u nënshtrohet mbikëqyrjes së ortakëve dhe administratorit.

Neni 19

Të drejtat e detyrimet e likuiduesit

1. Detyra e likuiduesve është mbyllja e të gjitha veprimeve të shoqërisë, mbledhja e kredive të paarketuara dhe e kontributeve të pashlyera, shitja e pasurive të shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil.

2. Likuiduesi mund të kryejë edhe veprime të reja tregtare, për mbylljen e një veprimi të papërfunduar.

3. Nëse, në bazë të padive të ngritura nga kreditorët, sipas nenit 194 të ligjit " Për Tregtarët dhe Shoqëritë Tregtare ", likuiduesit vërejnë se pasuria e shoqërisë tregtare, përfshirë kontributet e pashlyera, nuk është e mjaftueshme për pagesën e këtyre pretendimeve, likuiduesit detyrohen të pezullojnë procedurën e likuidimit dhe t'i kërkojnë gjykatës përkatese nisjen e procedurave të falimentimit. Likuiduesi për gatit një bilanc të gjendjes së shoqërisë në rastin e hapjes së likuidimit dhe një bilanc përfundimtar në castin e mbylljes së këtyre procedurave. Nëse procedura e likuidimit

zgjat me shumë se nje vit, likuiduesi përgatit, gjithashtu, pasqyrat financiare vjetore të shoqërisë. Bilancet ne shoqërinë kolektive dhe komandite miratohen nga ortakët e dere, ndërsa në shoqërite aksionare apo nga ato me pergjegjësi te kufizuar miratohen nga asambleja e përgjithshme.

Neni 20

Perfundimi I likuidimit

Pas shpërndarjes së aktiveve të mbetura, likuiduesi e njofton Qendren Kombetare te Regjistrimit për perfundimin e likuidimit dhe kërkon cregjistrimin e shoqërisë, ne përputhje me seksionin V te ligjit rr.9723, datl 3.5.2007 "Per Qendren Kombetare te Regjistrimit"

Neni 21

Bashkimi

Dy ose me shumë shoqëri mund te bashkohen nëpërmjet:

1. Kalimit te të gjitha aktiveve e pasiveve te njëres ose më shumë prej shoqërive, që quhen shoqëritë e përthithura, te një shoqëri tjetë ekzistuese, e quajtur shoqëria përthithëse, në këmbim të aksioneve apo kuotave të kësaj shoqërie. Ky proces quhet bashkim me përthithje.
2. Themelimit te një shoqërie të re, tek e cila kalohen të gjitha aktivet e pasivet e shoqërive ekzistuese, që bashkohen në këmbim të aksioneve apo kuotave të shoqërisë së re. Ky proces quhet bashkim me krijim i një shoqërie të re.

Neni 22

Ndarja

Nje shoqëri mund të ndahet me vendim të Asamblese së Përgjithshme, duke transferuar të gjitha aktivet e pasivet e veta në favor të dy ose me shume shoqërive ekzistuese apo të themeluara rishtazi. Shoqëria që ndahet, vlerësohet e prishur. Për ndarjen e shoqërisë zbatohen përkatësisht dispozitat e neneve 216 deri në 225 te ligjit 990 I date 14.04.2008.

Shoqërite, qe fitojne pasuritë e shoqërisë qe ndahet, quhen shoqëri pritëse dhe përgjigjen në mënyre solidare për detyrimet e kësaj të fundit. Regjistrimi i ndarjes së shoqërisë pranë Qendrës Kombëtare të Regjistrimit ka si pasojë kalimin te shoqëritë pritëse te të gjitha aktiveve e pasiveve të shoqërisë që ndahet, në përputhje me raportin e ndarjes, te percaktuar ne marreveshjen e ndarjes. Ky kalim sjell pasoja për marredhëniet ndermjet shoqërive, si dhe për palët e treta; bërjen e aksionarëve/ortakeve të shoqërisë që ndahet aksionare apo ortake të një ose më shumë shoqërive pritëse, në përputhje me raportin e ndarjes, përcaktuar në marreveshjen e ndarjes; vlerësimin e shoqërisë qe ndahet si e prishur dhe cregjistrimin e saj nga Qendra Kombëtare e Regjistrimit, sipas seksionit V te ligjit nr.9723, datë 3.5.2007 "Per Qendrën Kombetare te Regjistrimit" pa kryerjen e likuidimit.

Neni 23

Shndërrimi

Shoqëria mund ta ndryshojë formën e vet ligjore, nëpërmjet shndërrimit të saj në shoqëri aksionare. Shndërrimi nuk sjell pasoja mbi të drejtat e detyrimit, që shoqëria ka marrë përsipër ndaj të tretëve.

Neni 24

Baza Ligjore

Shoqëria do të zhvillojë aktivitetin e tij në përputhje të plotë me këtë statut dhe dispozitat e legjisllacionit shqiptar. Për sa nuk parashikohet në këtë statut, do të zbatohen dispozitat e ligjit "Për tregtarët dhe shoqëritë tregtare", Kodit Civil dhe çfarëdo ligji tjetër specifik në Republikën e Shqipërisë.

Neni 25

Mosmarrveshjet

Për mosmarrveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrveshje që mund të lind midis Shoqërisë dhe të tretëve, do të jetë kompetente Gjykata Shqiptare.

Neni 26

Dispozita përfundimtare

Ky Statut u redaktua në 4 kopje me vlera të njëjta juridike në gjuhën shqipe, dhe pasi iu lexua ortakeve themeltar të shoqërisë, nënshkruhet me vullnetin e tyre të lirë nga ortaket themelues.

ORTAKU THEMELUES

GJYLZARE PANA

GJYLZARE PANA

